



Claudii Fleurii Abbatis Historia Ecclesiastica

Ab anno Christi 1635. usque ad annum 1643

Fleury, Claude

August. Vind. [u.a.], 1779

VD18 9011888X

§. 31. Synodi Diœcesanæ Culmensis decreta.

[urn:nbn:de:hbz:466:1-67406](#)

Denique die septima Decembris Sæc. XVII.
Sacra Rituum Congregatio decidit, A.C. 1641.
quod non liceat in media nocte Nativi-
tatis Domini, post Missam decantatam,
celebrare successive alias duas Missas,
& in eis sacram Communionem exhibe-
re! Fidelibus illam depositentibus, sed
utrumque omnibus prohibitum sit.

§. XXXI.

Synodi Diæcesanæ Culmenſis decreta.

Die duodecima Junii hoc Anno Ca-
sparus Dzialynskius Culmensis & Hartzh. t.9.
Concil. Germ.
Pomesaniæ Episcopus suam habuit Sy-
nodum Diæcesanam, in qua præpri-
mis suorum Prædecessorum sanctiones
jam antea ad Cleri populique reforma-
tionem factas integræ servari præce-
ptum est, prohibitumque, ne Confes-
farii deinceps pro pœnitentia Missas per
se celebrandas Laicis pœnitentibus in-
jungant. Quoniam vero multis in lo-
cis Ecclesiæ belli præteriti injuria ad
eam redacti fuerunt inopiam, ut nequi-
dem Sacerdos ali valeat, hinc Episco-
pus juxta privilegium Leonis X. Anno
1515. pro Regno Poloniæ concessum
indulſit, ut unus Sacerdos in uno die
duas Missas in duabus Ecclesiis cele-
brare quidem valeat, sed duntaxat in
festis Circumcisionis, Epiphaniæ, Pa-
ſcha-

Sæc. XVII. schatis, Pentecostes, Assumptionis & A.C. 1641. Purificationis B. V. S. Joannis Baptistæ, Petri & Pauli, Sanctorum omnium & Defunctorum Commemoratione. interminata etiam anathematis pena cunctis Regularibus inhibitum, ne in Ora- toriis privatis aut Ecclesiis vacantibus, in quibus Sæculares jus Patronatus prætendunt, Missam celebrare, Verbum Dei prædicare, aut Sacra menta administrare absque speciali Episcopi licentia præsumant. Extirpavit insuper Synodus tanquam pravam, superstitiosam, & a Diabolo ad retrahendos homines a cultu Divino inventam consuetudinem, qua nonnulli venam jumentis die sancti Stephani aperiri curant. Denique præcepit Synodus, ut pro senibus & pauperibus Clericis Domus erigantur, & Culmensis Schola pristino statui restituatur.

§. XXXII.

Scriptores Catholici hoc anno defuncti.

Dupin Nouv.
Bibl. Siecl.
XVII.

Paucos ex Scriptoribus Catholicis, qui hoc anno obiere, recensere volumus, & quidem I. Septuagenario major decessit Joannes Cordesius Lemovicensis Canonicus, qui non modo Historiam Camilli Portiæ de Neapolitanis